

一周星其功既足於是投靈山勝地取亥月日時解服而臥微行沐浴俟其宣賜合眸固關審動真娥之宮其物滿乎一斤男女當乎二八情合心酣一體温温夫婦情戀宣賜美合至寅則聖胎內堅矣蓋自子後輕鎖金關定身平坐勿轉側勿動搖至寅則捨手舒足縱心自如起坐隱几始十日行不可過二十四步以至百步踰月乃自如方其大合一時之中已奪一周星矣於是足三千六百之正氣全七百二十之宿直至於一氣二儀三才四象五行六律七星八卦九宮十干十二支二十四氣七十二候無不備於一胞之中也夫吾既得大易三百八十四銖之真氣以結靈胎於是漸開頂之臚門潛自坼焉一舉一止一道藏輯要

道藏輯要

道經

真

卷之三十一 崑集四

抱一負在乎其意加詳而無一念之邪而後可也十月其神欲突飛而脫胎則其意煩懣於是臚門如雷所震其頂裂猶烈火騰上於天柱二十有四節自頂而出當安心定意所行不過一丈二年之後神通力具靈識混然出邇入遐洞玄洞幽無所不貫矣及夫功深德厚乃蛻殼上朝於玉帝焉

金碧龍虎篇

四時推移如環無端
虎伏龍蟠化為金丹

劉真人曰仰觀天象而使知四時常移陰陽互用以推日月之遲速大小生焉於是得日往月來生成之道以著金碧之經金者剛柔得位也碧者仙而游於碧落也日者太陽之精天之魂也其性剛烈能生萬物居於陰中離卦是也月者太陰之精地

之魄也其性靜而躁動居於陽中坎卦是也坎者二陰之時其
日生乎一陽是爲黑鉛出於水銀其至於艮宮則漸有青白而
爲少男此二陰而生一陽者也卽上之位四句有五日從下生
陽震卦是也其名曰丹砂之魂於是其汞漸伏焉至於巳六陽
具矣其名曰赤金四句有五日從南赤朱之地武火煅之四句
有五日至於坤宮黃黑混雜其精其名曰還丹四句有五日至
於兌宮汞體自燥其爛如泥其名曰伏火水銀短其火可以入
於太陽至於乾宮三十有六句其金正紫復入於中宮大庚合
於烏火首黃合於烏土者也雄黃覆用以爲之焉惟白虎制禦
之更乎六句其名曰狗子又五句其名曰白金虎子又六句其

道藏輯要

道樞

高

入上卷文 精集四

名曰五金神丹又五句其名曰太一神粉其上曰謂之水母其
或不上覆而盤旋於中者謂之辰砂其紫黑通徹者謂之大還
其赤而光明者謂之紫微之丹齋戒百日擇王氣而吞三圓則
三尸九蟲七毒盡矣服之十有八句可以飛而騰天也

九轉金丹篇

人之得一 是爲元火 鍊於三田 神氣爲佐

亢龍子

西蜀青城山 方士段昊也

曰道生一者太空之一氣也萬物與人其

生因乎一氣者也其死歸乎一氣者也陰者性也無中來者也
陽者命也有中生者也身爲體以心爲用焉心爲體以神爲用
焉神爲體以氣爲用焉氣體以運鍊埏埴爲用焉天地之神者
陰陽所生也精氣之神者陰陽所化也其有神昏而性昧者何